



- EDITORIAL • RÂL VÊNGTU • CHHÛNGKAW CHANCHIN
- » SYNOD REVIVAL SPEAKER-TE TAN RESIDENTIAL RETREAT
- » MISSIONARY LA THAR
- » T. DUMZAUH CHHAWMDAWL HNA THAWH A NI

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVI

No. 4

E-mail: synodnews@gmail.com

APRIL 2021

LÂWRKHAWM

REVIVAL SPEAKER-TE SERMON

Synod Revival Dept. leh Synod Information Dept. tang dun chuan tûnlai hian Synod Revival Speaker-te sermon record chu youtube channel-ah a tichhuak thin a. He rawngbawlna hi Revival Speaker zawng zawng tana ruahman a ni a, Kohhran mipuiten kan hlawkpui ngei beisei a ni.

PAVALAI INTAWHKHAWM

Ram pum huap Kohhran Pavalai Pawl Intawhkhawm chu October 1-3, 2021 khian E. Lungdarah nghah a ni dawn a, thupui chu 'Pathian thu awih' (1 Sam. 15:22) tih a ni ang.

SYNOD REVIVAL MEET

Synod Revival Meet vawi 9-na chu August 27-29, 2021 chhungin Tuikual North Kohhran Biak In, Aizawlah hman tura ruahman a ni a, thupui chu 'Nunna chu thlang rawh u' (Deut. 30:19) tih a ni ang.

MIZORAM SYNOD MOBILE APPS

Synod website Mobile View (Android & iOS version) chu siam zawh tawh a ni a, a duh apiang tan download theihin Playstore & App Store-ah 'Mizoram Synod' tiin dah a ni.

KTP FLAG

Central KTP Committee chuan, khawl tha zawk hmanga standard size leh quality hrang hranga a chhut theih tak avangin, KTP flag chu thui zawm kher lova siam tawh turin a rel.

ṬAWNGṬAI THUPUI BU

Kohhran zing ṭawngṭai inkhawm thupui bu chu chhut thar a ni leh ta a. Thupui telh thar a awm zeuh zeuh avangin a chhuak hmasa nen a danglam hret a. A mamawh tan Synod Office Mamawh Lamna-ah lak theih a ni e.

LALPA chuan heti hian a ti: "Dik takin ro rêl ula, fel takin ti rawh u, ka chhandamna chu a lo thleng dâwn dâwnin, ka felna chu a lo lang dâwn dâwn ta si a. ²Chutiang ti mi leh, chumi pawm tlattu mihring fapa chu, a eng a thâwl e; Chawlnî bawhchhe lova serh thîntu leh, thil tha lo rêng rêng ti lo tûra a kut vêng tha thîntu chu."

Isaia 56:1-2

TRIPURA SYNOD BUILDING THAR HAWN A NI

April 5, 2021 khan Mizoram Synod Moderator Rev. Dr. C. Lalhlira chuan Tripura Synod building thar ₹37,928,000/- senga sak chu a hawng.

Building thar hawn zawh hian a lawmna inkhâwmin a zui a, Rev. Bhanul Molsom, Moderator, Tripura Synod-in inkhâwm a kaihrui a. Rev. Chawngmunrai, Executive Secretary, Tripura Synod-in inlawmna hun a hmang a, Upa C. Chawngthanmawia, Kolasib Diakkâwn (contractor)-in Building sak report a pe. Upa Lalrinmuana, Secretary, Mizoram Synod-in Tripura Synod building thar lawmpuina thuziak

leh sum fai ₹2,00,000/- chu Tripura Synod hnenah a hlân a, Rev. Dr. C. Lalhlira leh Upa Lalrinmuana te hnên aṭangin thuchah ngaihthlâk a ni a, Tripura Synod Choir leh Tuidu Pastor Bial Zaipawl te an zai baw. Inkhâwm bânah building thar lawmna chawhlui kil ho a ni.

Tripura Synod building thar hi a dung feet 75, a vâng feet 49 niin chhâwng 5 a ni.



CHURCH LEADERS' INTENSIVE RESIDENTIAL PASTORAL CARE & COUNSELLING TRAINING

Mizoram Synod, Family Guidance & Counselling Centre (FG&CC)-in kohhran hruiatute puala March ni 9, 2021 aṭanga Synod Conference Centre, Aizâwla Church Leaders' Intensive Residential Pastoral Care & Counselling Training vawi 32-na a buatsaih chu March ni 23, 2021 (Thawhtanni) zân khân 'Final Evaluation & Graduation Service' hmangin khâr a ni.

Khârna inkhâwm hi Rev. B. Sângthanga, Executive Secretary i/c FG&CC-in a kaihrui a, Rev. Lalsangbera, FG&CC Director hnên aṭangin report ngaihthlâk a ni a. Rev. Dr. C. Lalhlira, Synod Moderator-in training chhuakte hnênah certificate semin thuchah a sawi a, counselling training pawimawhzia leh training chhuakten hlâwk taka hmang zêl tûra a duh thu a sawi a. Training-ah hian

Bial 10 aṭangin kohhran aiawh mi 19 an tel.

FG&CC hian Pastoral Care & Counselling Training hi Pastor-te pualin vawi 28 buatsaih tawhin, Pastor 479-in an train chhuak tawh a. Kum 2002 aṭanga Church Leader-te puala training vawi 32 buatsaih tawhah kohhran hruiatute 618 training pek an ni tawh.

Synod hian Counselling Centre pakua – Mission Vêng, Bâwngkâwn, Vaivakâwn, Champhai, Sêrchhîp, Kolasib, Lunglei, Mamit leh Khawzâwlahte a nei a. Heng Counselling Centre-ahte hian March 8, 2021 thlengin pantu (Client) mi 34,824 an awm tawh a, kumin bîkah mi 1,089-in an pan tawh baw.



SYNOD Newsletter

EDITORIAL STAFF

Rev. Dr. C. Chawngmingliana

Rev. B. Sângthanga

Upa H. Ronghâka

Upa C. Thanga

Editorial

ṬAWNGṬAINA LEH HARHNA

April ni 4 hi Mizorama harhna a lo thlen champha a ni a, kum tinin chu hun chu ni pawimawhah neihin kohhranhoten kan hmang ṭhîn. Mizoram kohhran vânehna leh danglamna tak chu harhnain a nuai reng vang nia sawi a ni.

Vâna a lâwn hmaa Lal Isuan a zirtîrte hnêna a thuchah pawimawh tak chu, “Jerusalem khua hi kalsan suh u, Pa thil tiam ka sawi in hriat kha lo ngêk rawh u,” tih hi a ni. Isua thu awihin rilru hmun khata ṭhahnemngai taka ṭawngṭaiin an awm reng a (Tirh 1:24). Tichuan, Pentikos ni takin Thlarau Thianghlim chu a lo thleng ta a. An zavai chuan Thlarau Thianghlim chu an chang ta vek a, harhna ropui tak a lo thleng ta a nih kha.

Khawvêla kohhran lian bera an sawi South Korea khawpui Seoul-a YOIDO FULL GOSPEL CHURCH member 7,50,000 zet awmnaa an pastor David Yonggi Cho chuan Harhna Thlentu Ṭawngṭaina tih lehkhahu a ziaa a. Rev. David Yonggi chuan, “Khawi hmunah pawh mipuiten inpêkna thûk tak nêna an ṭawngṭainaah chuan Harhna hi a thleng ngei ngei ṭhîn tih hi ka Chiang a ni,” tiin a sawi. Thla tin mai hian ringthar 7,000 lai an nei ṭhîn. Chu chu ṭawngṭaina rah ni ngeiin an hria. Korea ram harh chhan leh a ze ken ngheet tak chu Varṭian Ṭawngṭaina an tih hi a ni. Zîng varṭian aṭangin ṭawngṭaina tlângah an ṭawngṭai chur chur a. Ṭawngṭaina thiltihtheihzia an hre Chiang a, an thlahthlam phal tawh lo a ni ber mai. Kohhran hmasa hun laia harhna lo thleng pawh kha Lal Isua thu awiha ringtute rilru hmun khata awma, ṭhahnemngai taka an ṭawngṭai vâng kha a ni ngei ang.

Zoram Kohhran pawh hi tûn aia nasa zâwka rilru hmun khata awma ṭhahnemngai taka a huhova thlarau Thianghlim dila a ṭawngṭai chur chur chuan Lalpa chu a awm hle hle hauh lo vang le! Ṭhahnemngai taka ṭawngṭaina chuan harhna a thlen ṭhîn.

SYNOD REVIVAL SPEAKER-TE TAN RESIDENTIAL RETREAT

March ni 24–27, 2021 chhûng khân Synod Conference Centre, Aizâwlah Synod Revival Speaker-te pualin Residential Retreat buatsaih a ni a, thupui chu ‘**Revival leh Rawngbâwlna**’ tih a ni. Retreat hi March ni 24 (Nilaini) zanah ṭan niin, retreat hawnna inkhâwm chu Rev. Lianhmingthanga Sailo, Senior Executive Secretary-in a kaihrui a; Rev. K. Rolungmuana, Revival Director-in thu puangin Rev. Dr. C. Lalhlira, Synod Moderator-in thuchah a sawi.

Retreat-ah hian thupui pawimawh tak tak – mipat hmeichhiatna chungchâng te, kohhran leh tunlaina tih te, kohhran leh rawngbâwtute humhalh tih te, piantharna tih te leh thupui dang, pawimawh tak tak zir ho a ni a. Heng thupui hrang hrang hi mi thiam hrang hrangin an zirtîr ṭhîn a ni. March ni 27 (Inrinni) zinga retreat khârna inkhâwm tawiah Upa Lalrinmuana, Synod Secretary-in hun a hmang thung.

MISSIONARY LA THAR

Synod Mission Board chuan missionary atâna a lâk thar mi 30 (Mipa 14 leh hmeichhia 16)-te tân April ni 7–30, 2021 chhûng hian Synod Multipurpose Training Centre (SMTTC), Mission Vêngthlang, Aizâwlah Orientation Training a buatsaih a. Training-ah hian missionary atâna lâk tharten an hriat tûr thil chi hrang hrang mi thiamten an zirtîr a ni.

Tin, April ni 5–9, 2021 khân Masihi Sangati Evangelist atâna lâk thar mi 5 (Mipa 4 leh hmeichhia 1)-te tân Masihi Sangati Kendra, Bâwngkâwnah Orientation Class buatsaih a ni baw k a, subject hrang

hrang an zir a ni. Masihi Sangati Evangelist lâk tharte hi April ni 11, 2021 (Pathianni) chawhnu dâr 1:30 khân Masihi Sangati Kendra Chapel, Bâwngkâwnah Tirh Chhuah Inkhâwm buatsaih a ni.

Tirh Chhuah Inkhâwm hi Upa H. Thangmawizuala, BEC member-in a kaihrui a; Upa Lalbiakênga Fanai, Co-ordinator-in inhmelhriatîrna hun hmangin tirh chhuahte chanchin a sawi baw k a; Rev. Zochhuanmawia, Masihi Sangati Kendra Director-in tirh chhuahna thu a sawi a; tirh chhuahte tân Upa Dr. Lalnundanga, BEC member a ṭawngṭai baw k.

MISSIONARY LEH MASIHI EVANGELIST ATANA LAK THARTE

Sl.	MISSIONARY Hming	Pa/Nu Hming	Present Address
1	Upa Laldanmawia	Ranguna (L)	Persang
2	F. Lalremruata	F. Lawmzuala	Bethlehem Vengthlang
3	Lalfamkima	R. Lalsangliana	Tlangnuam West
4	H. Lalremruata	H. Vanlalsanga	Vaivakawn Vengthlang
5	Beiseinasangzuali	Ramngahkiana	Tripura
6	Lalrinmuani Khawlhing	Zotharlina Khawlhing	Thingsulthiah
7	Lalnunfeli Renthlei	Lalhriata (L)	Bethlehem, Aizawl
8	Lianzuali	Lianghinglova	Ngengputlang
9	Lalbiakzuala	Zionghaka	Kanhmun
10	Linda Lalnunfeli	C. Sangkima	Chanmari West
11	Lalhmunsiami	Zothuamluaia	Chaltlang
12	B. Lallawmkima	B. Lalbiakliana	Bungkawn
13	R. Vanlalhruii	R. Rosiamliana	Republic, Aizawl
14	K.C. Mary	Ginzalama	Mission Veng
15	Lalfakawmi	Rev. Dr. Rualthankhuma	Khatla
16	Lalawmpuia	Lalthanzama	Buhchangphai
17	C. Lalthazuali	C. Lalnuntluanga	Tlangnuam Vengthar
18	Chingsiannuami	Thangdeihchina	Champhai Bethel
19	Lalsawmliani	Dawngdoliana	Thuampui, Aizawl
20	Lalrinchhana	Zorema (L)	Damparengpui
21	P.C. Sanghmingliani	P.C. Kaphranga	Venghlui, Aizawl
22	Daya Ranjan Chakma	Dananduri	Dawrpui
23	Lalliantluanga	K. Lalbiaktluanga	Monithang, Tripura
24	Malsawmdawngliana	C. Zoliana (L)	Khatla South
25	Lalhmagaihsangi	Pazawna Ralte	Bungkawn
26	Lalrinzuala Ralte	R. Lalengmawia	Manikbond, Assam
27	Elizabeth Lalruatfeli	P.B. Lalthazela	Bawngkawn
28	Laltlankima	K. Lalmuanpuia	Lunghauka
29	V. Zionthanga	V. Zamkhanlama	Ramthar Veng
30	Laldinliani	K. Lalrinchhana	Rullam

Sl.	MASIHI EVANGELIST Hming	Pa/Nu Hming	Awmna tur
1	Dorothy Zohmingthangi	Upa K. Lalbulliana	Tlungvel Vengthar Bial
2	Immanuel Vanlalpianchhana	RK Zoliantanga	Seling, Thingsulthiah Bial
3	Zohmingthanga	Yubras Suba	New Vervek, Ratu Bial
4	David Laltlana	Lianthanga	Hnahthial Bial
5	Bikash Chhetri	Ashok Chhetri	Phullen Vengthar Bial

Râl Vêngtu

Râl Vêngtu chuan a râlkhêl dâr chu a tiri ta ruai ruai a. Mite mangang chuan, “Râl Vêngtu, i va han tiri nasa ruai ruai ve! Eng hun nge ni ta? Isua a lo kal ta mai em ni?” an rawn ti a. Râl Vêngtu chuan, “Isua lo kal lam pawh a ni hrih lo ve. Covid-19 hripui thawh hnihna a lo thleng mêk zâwk a ni. Tûn hi fimkhur that zual hun a ni e. Thlipui lo tleh pawh hi a thawh khatna ai chuan a thawh hnihna hi a nain a hlauhawm zâwk zêl. Isuan mi pakhat kawchhûnga ramhuai a hnawh chhuah pawh kha awmna tûr hre lova a vah a vah hnua a lo kêr leh kha chuan amah aia sual zâwk ramhuai dang pasarih a rawn hruai ta a. An tawrhlelhawm bawh a ni ang, chu mihringa awm dân chu a hma aiin a tha lo fê zâwk a nih kha. He hripui lêng pawh hi a thawh hnihna hi chu a hma ai khân a râpthlâk zâwk dân a nia,” a ti a.

Mite chuan, “Râl Vêngtu, eng ang tak chuan nge maw kan han fimkhur zual ang le?” an ti a. Râl Vêngtu chuan, “Sawrkâr leh thuneituten Kohhran leh tlawmngai pâwlte râwn zêla ruahmanna an siam hi ihe lovin zâwm leh ula a tha a ni mai. Hmai tuam te, mi dang hnaih loh te, kut sil fai that te, mipui pun khâwmnaa tel loh te, tui so hu hîp luha thâwk chhuah leh te, tui lum in tam te, damdawi hmanga kut leh hmanrua/thuamhnaw tihthianghlime hi in fimkhur zualna tûr chu a ni. Lên cheh lutuk lo bawh ula. Zân lama pâwn chhuah khapte hi zâwm tha ula a pawimawh êm êm bawh a ni,” a ti a.

Mite chuan, “Râl Vêngtu, ‘Fimkhur zual hun a ni’ i tih hi a va dik êm! Kan theih tâwkin i thurâwn te hi zawm kan lo tum dân nia,” an ti a, an haw leh ta rih a.

RESULT PUAN LEH LAWMMAN SEM

Synfo Dept.-in Mizoram Presbyterian Kohhran hrang hrangte tâna intihsiakna a buatsaih Reality programme leh Kristian film insiamsiak result chu April 16, 2021 (Zirtawpni) zân khân sem a ni a. Lâwmman semna inkhâwm hi Rev. K. Lalrinmawia, Executive Secretary i/c Synfo-in hunserh hmangin Synod Moderator Rev. Dr. C. Lalhliran inhmehriattirna hun hmangin lawmman a sem ngal bawh. He intihsiakah hian Reality Programme-ah kohhran 28 leh Film insiamsiakah Kohhran 13 an tel a ni.

SYNOD HOSPITAL, DURLÂNG THILPÊK DAWNTE (JANUARY & FEBRUARY 2021)

JANUARY 2021

I. CHARITY FUND

1. Pi Saii M/o Sister Lalbeisei te chhûngkua, Chaltlang	₹	10,000/-
2. Lushai HOG, Harley Owners Group, Mizoram	₹	10,000/-
3. Lalchhuansanga S/o Upa P.C. Lalsangluaia, Venghlui	₹	2,000/-
4. HAZEL Lucas Ella C/o Dr. Lalrinlana Varte, Mission Veng	₹	50,000/-
5. Pu Sailothanga Sailo, Chhinga Veng	₹	1,000/-
6. MD&D Enterprise, Khatla	₹	20,000/-
7. R. Lalrinmawia, Durtlang Zion Veng	₹	1,000/-
8. Lalthanfeli, Staff Nurse, Synod Hospital	₹	10,000/-
9. Rev. Dr. Vanlalngaka & family, Kulikawn	₹	5,000/-
10. Lalnunthari, Restaurant 'A', Synod Hospital	₹	1,000/-
11. Zemabaw Pastor Bial Kohhran Hmeichhia	₹	7,000/-
12. Pu Roliana, Chenkual, Durtlang Mel - 5	₹	2,000/-
13. UPC, NEI, Zemabaw West	₹	3,000/-
14. Khawzawl Vengthar Kohhran	₹	10,000/-
15. KTP, Chanmari Pastor Bial, Aizawl	₹	35,000/-
16. Hmunghak Kohhran	₹	5,100/-
17. Synod Hospital Staff-ten Charity Fund atana an thawh khawm	₹	1,87,700/-
18. Pi PC Ramthankim leh a fate, Bilkhawthlir Kualmawi	₹	10,000/-
19. Lungdai Kohhran	₹	4,000/-
20. Rev. Dr. C. Lalhlira, Moderator & family	₹	16,600/-
21. KTP, Bairabi Pastor Bial	₹	5,000/-
22. Khawruhlian Pastor Bial Kohhran Pavalai Pawl	₹	5,000/-
23. Sialsuk Pastor Bial	₹	15,000/-
24. Pi Lalremi, M/o R.C. Lalrengpuii, Zemabaw North	₹	2,500/-
25. Ex-Hav. H. Kaphlira, Republic Mual Veng Chung, H. No. H/25	₹	2,000/-
26. Lungdai Presbyterian Kohhran	₹	2,000/-
27. Lungdai Hmar Veng Kohhran	₹	1,000/-
28. Central KTP	₹	6,42,106/-
29. Bukpui Pastor Bial	₹	4,000/-
30. Tianho, Nursery Veng	₹	5,500/-
31. Pu Zodinlana, Mission Veng	₹	1,500/-
32. Pu C. Dengthuma, North Hlimen	₹	7,000/-
33. KTP, Mission Vengthlang Branch	₹	10,000/-

II. GRACE HOME TANA PE

1. Tuikual North Kohhran, Aizawl	Grace Home
	tan Air Mattress 1 leh Mattress cover (rexin) 1
3. Pi Chawngthamawii, Chhinga Veng	₹ 1,000/-

III. THISEN PETUTE

1. KTP, Sihphir Pastor Bial	UNIT ZÂT
	43

IV. THIL DANG PETUTE

1. Upa Lalchhanglana leh Pi Lalbiakengi te nupa, An inneih Silver Ramhlun North	Jubilee pualin NCB tan Blanket 5 leh Dustbin 12
2. Dr. C. Biakmawia, Durtlang Leitan	A birthday pualin Cake 40

3. Lallungmuana, Leitan South, Durtlang	Nursing Office tan Photocopier, Projector leh Printer
4. East Lungdar Kohhran Hmeichhia	₹ 10,000/-

FEBRUARY 2021

I. CHARITY FUND

1. Pi Lalthanfeli, Staff Nurse, Synod Hospital	₹	4,200/-
2. Pu H. Lalhlupuaia, Electric Veng, Aizawl	₹	1,000/-
3. The Salvation Army, Thupui C.O. Bial, Aizawl	₹	50,000/-
4. Pu R. Lalrinmawia, Durtlang Mel 5	₹	1,000/-
5. Pu Laldinsanga Pharmacist, Synod Hospital	₹	2,000/-
6. Pi C. Lalrinmawii, O/A, Synod Hospital	₹	3,600/-
7. Hliappui Pastor Bial	₹	10,000/-
8. Lungdai Hmar Veng Kohhran	₹	2,000/-
9. Lungdai Kohhran	₹	4,000/-
10. Pu Zodinlana, Mission Veng	₹	1,500/-
11. KTP, Tuikual Branch	₹	10,000/-
12. KTP, Bawngkawn Chhim Veng Branch	₹	5,000/-
13. Bungtlang South Pastor Bial Kohhran Hmeichhia	₹	1,000/-
14. Central Kohhran Hmeichhia, Synod Office	₹	12,28,075/-
15. Pi Lalnunthari, Manager, Restaurant 'A', Synod Hospital	₹	1,000/-
16. Mahmit Hmunsam Pastor Bial Koh. Hmeichhia	₹	10,000/-
17. Upa T. Vanlawma te chhûngkua, Hunthar Veng, Aizawl	₹	2,000/-
18. Thingsulthliah Pastor Bial Kohhran Hmeichhia	₹	10,000/-
19. Pi Lalremi, Zemabaw North	₹	2,500/-
20. KTP, Biate Pastor Bial	₹	10,000/-
21. Central Kohhran Hmeichhia, Synod Office	₹	3,100/-
22. Phuaibuang Pastor Bial Kohhran Hmeichhia	₹	5,000/-
23. Pukzing Bial Kohhran Hmeichhia	₹	5,000/-

II. GRACE HOME TANA PE

11.	Pi L.Thanthuami, Electric Veng, Aizawl	₹	1,000/-
2.	Kanhmun Kohhran Hmeichhia	₹	3,000/-
3.	KTP, Khatla North Branch	₹	10,000/-
4.	Pi Lalzidingi, Durtlang Venglai		Mitthi khuhna puan

III. THISEN PETUTE

1. KTP, Phunchawng Branch	UNIT ZÂT
2. KTP, Model Veng Pastor Bial, Aizawl	10
3. KTP, Jubilee Branch	43
4. KTP, Bethlehem Veng Branch	21
	38

IV. THIL DANG PETUTE :

1. KTP, Dam Veng Branch, Aizawl	KTP Day pualin thirbel lian tak
---------------------------------	---------------------------------

Khawngaihna leh duhsakna thilpêk min petute zawng zawng hnênah Lalpa Isua Krista hmingin lâwm thu kan sawi takmeuh a ni. Hêng in thilpêk kan dawnte hian damlo awm man harsate thlamuang takin a awmtîr bâkah Hospital mamawh tam tak min phuhrsak a ni.

Rev. R. Ramdinmawia
Chaplain

KTP MEMBER-TE EIZAWNNA KAWHHMUH DAWN

Central KTP Committee wavi 742-na chuan kum 2021 chhûnga ram puma zir tûrin KTP member-te mahni kutkawih ngeia eizawna an neih theihna lam a thlang. KTP Rorêl Inkhâwm 2021-ah khân thupui zir tûr leh inzirtîrna tûra thu lût hrang hrang chu Central KTP Committee-in lo thlang mai rawh se, tia rêl a nih angin Central KTP Committee chuan a ngaihtuah a. ‘KTP member-ten mahni kutkawih ngeia eizawna an neih theih nân CKTP-in inzirtîrna nei rawh se,’ tih chu a thlang ta a ni.

SYNOD CHHAWMDAWLNA

Kumin March thla chhûng khân Synod chhawmdâwna (Synod Relief Fund) aţangin harsatna hrang hrang tâwkte hnênah chhawmdâwna ₹4,03,000/- sem chhuah a ni. Synod Relief Fund hi Mizoram Synod chuan a ngai pawimawh hle a, kum 2020–2021 chhûng khân hemi atân hian budget-ah ₹70,00,000/- (Cheng nuai sawmsarih) a dah a. He

chhawmdâwna sum hi Mizoram chhûnga harsatna chi hrang hrang tâwkte hnênah kohhran pâwl sawi lovin chhawmdâwna leh tanpuina atân pêk thîn a ni.

SYMPOSIUM BUATSIAH

March ni 29, 2021 (Thawhtanni) nilêng khân Campus Ministry, Mizoram Synod buatsaihin tleirawlte nun kaihruraina kawnga inzirtîrna ‘Symposium’ chu Bûngkâwn Kohhran Jubilee Hall, Aizâwlah buatsaih a ni.

Symposium hi hun hniha then niin chawhma lam hi Rev. B. Sângthanga, Executive Secretary i/c Campus Ministry-in a kaihrui a, Pu Lalthlamuana Râlê paper buatsaih, ‘Tleirawl tha – kohhran leh ram tân’ tih thupui zir ho a ni a.

Chawhnu lam chu Rev. R. Ramnghinglova, Director, Campus Ministry-in kaihruiin T.Upa K. Lalêngzâma paper buatsaih, ‘Tleirawlte leh ruihlo’ tih zir ho a ni thung.

He Symposium-ah hian Aizâwl khawpui chhûnga Bial aiawh mi 33 leh sâwm bîkte, an zavaian mi 63 chuang an tel a ni.

**SÂWMNA**

LÊNG KOHHRAN chuan kumin 2021 hian kum 100-na (Centenary) an lo thleng ve ta reng mai a. An kum 100 tlin lawmna hun hi Lêng Kohhran chuan May 7-9, 2021 hian ropui taka lawm a tum a. Kohhran Centenary hmang tûr hian hmun hrang hranga Lêng khaw chhuak, kohhran mite leh Lêng Kohhrana lo lawi tawh zawng zawng an sâwm a ni.

PRESBYTERIAN HMEICHHE HOSTEL HRIATTIRNA

Pawl 11 & 12 zir tûr, kum 2021–2022 chhûnga Presbyterian Hmeichhe Hostel, Kulikâwna awm duh tân ni 29.4.2021 (Ningani) tlai dâr 4 thleng dîl theih a ni a. Dilna form hi Synod Office-ah leh Warden, Presbyterian Hmeichhe Hostel, Kulikâwnah te lâk theih a ni.

Interview : Ni 30.4.2021 (Zirtâwpni)
Chawhma dâr 10:30

A hmun : Synod Committee Room-I,
Synod Office, Aizâwl.

Sd/- Rev. B. Sangthanga
Executive Secretary
i/c Presbyterian Hmeichhe Hostel
Synod Office : Aizâwl

PATHIAN THU ZIR DUH TAN

Presbyterian Bible School, Mission Vêng, Aizâwlah Certificate in Theology (C.Th.) admission hawn a ni a. Dîl duhte tân a hnuai târ lan hi hriat tûr a ni e:

Admission form : Office hun chhûngin
₹10/-a lei theih a ni

Dil hun chhûng : May ni 26, 2021 (Nilaini)
tlai dâr 3:00 thleng

Dil thei chin : Class VII pass, kum 16
chin, kohhran dân
chhûnga awm

Interview : May ni 31, 2021
(Thawhtanni) chawhma
dâr 10:00

Class tan hun : June ni 2, 2021 (Nilaini)
Zir hun chhûng : June–August, 2021

Hre Chiang duh tân Phone No. 0389-
2317343 leh 8201377893-ahte zawh theih
a ni.

Sd/- Rev. PB Zosapthara
Principal
Presbyterian Bible School
Mission Vêng : Aizâwl

PASTOR DAH NGHEH HUN RUAT

Synod Officers' Meeting ni 15.12.2020-in Pastor zir mêk, April thlaa zir zo tûrte dah nghehna (induction) neih hun atân May 9, 2021 (Pathianni) a ruat a. Hetiang hi nimahsela, hripui lên avânga an zir hun pawhsei a nih leh tâk avangin May 15, 2021 hnu lamah an zirna hmun an chhuahsan thei dâwn chauh va. Synod Officers' Meeting ni 17.3.2021-a tûr chuan May 2021-a zir zo tûrte dah ngheh hun atân May 30, 2021 (Pathianni) a ruat a. Dah nghettu tûr erawh chu a ngai angin a kal thung ang.

Tin, Masihi Sangati, Khawthlang Bial thar chu May 30, 2021 (Pathianni) chawhmaah hawngin; chawhnu lamah Pastor dah nghehna hun hman tûra rêl a ni. Hawngtu leh dahngheetu atân Rev. Zochhuanmawia, Director, Masihi Sangati Kendra a ni ang.

T. DUMZAUH CHHAWMDAWL HNA THAWH A NI

March 27, 2021 (Inrinni) khân Hmâwngbu Pastor Bial chhûnga T. Dûmzau kuaah kangmei a chhuak a. He thu hriat a nih vele Synod Office, Lunglei leh Aizâwl aţangin chhawmdawl na tur kawng zawn nghal a ni a. Rev. Lianhmingthanga Sailo, Senior Executive Secretary leh Rev. K. Lalrinmawia, Executive Secretary i/c Social Front te ruahmannain Synod chuan Conference Centre-a Quilts (blanket) leh Charity Store-a thuamhnaw eng emaw zât Pick-up trip khat Aizâwl aţangin thawn phei a ni a. Synod Office, Lungleia thawktu chhûngkuatê'n thawmhnaw leh bungbel eng emaw zât an khawn khâwm baw.

Heng chhawmdâwl na thil pe tûr hian Rev. John Râldosânga, Administrative Secretary, Lunglei leh thawktu mi pariatte chu March 28, 2021 (Pathianni) khân motor pathum hmangin T. Dûmzauh hian an kal ngâl a. Kângmei tuar chhûngkaw 25-te hnênah ₹1,80,000/- leh hnatlâng thingpui sênso atân VC-te hnênah ₹5,000/- an hlân. Mut bu (Blanket) leh thawmhnaw leh bungbêl thahnem tak an hlân nghal baw.

**SHORT FILM INSIAMSIK**

Central KṬP leh MSACS tâng kawp chuan KṬP Branch-te pualin short film insiamsiak a buatsaih dâwn a. Hetiang hi a kalhmang tûr a ni ang:

1. THEME: Short film thupui (theme) hi 'Mahni inhriat chian hi damna a ni' tih a ni a. Thupui behchhan hian film siamah pawh hêngte hi lan chhuahtîr ni thei se:

- (1) Nun fîmkhur tûlna leh nun vawn thianghlim pawimawhna.
- (2) Mahni inen fiaha, inhriat chian ngam a pawimawhna.
- (3) A thupuiin a tum (zirtir) a phawk chhuak tûr a ni a, a hmuhnaawm baw tûr a ni.
- (4) Ruihhlo ti lai/sex ngialngan lutuk târ lan loh ni se.
- (5) HIV/AIDS hlauhawmzia leh kan ram dinhmun dik tak pho chhuah theih ni se.

2. FILM SEI ZAWNG: Film hi minute 20 pel lo ni se. Video format eng chi pawh hman theih a ni ang.

3. LÂWMMAN

- (1) Pakhatna ₹1,50,000 (nuai khat leh sîngnga) leh Memento. Pahnihna ₹80,000 (sîngriat) leh Memento. Pathumna ₹50,000 (sîngnga) leh Memento.
- (2) Top 10 (4-10)-te hnênah ₹5,000 theuh leh Certificate.
- (3) Certificate (Film intihsiaika tel zawng zawngte tân).

4. TEL THEI TUR: Branch KṬP-te tâna intihsiaikna hi buatsaih a ni a. Branch pakhat aţangin film pakhat zêl theh luh theih a ni ang.

5. FILM THEH LUH HUN: Short film hi July ni 30, 2021 (Zirtâwpni) tlai dâr 4:00 thlengin pendrive, whatsapp leh email hmanga theh luh theih a ni ang. Theh luhna tûr hetiang hi a ni:

Email : shortfilmcktp@gmail.com

Whatsapp : 9612215741

Pendrive : CKṬP Office, Mission Vêng, Aizâwlah chawhma dâr 10:00 aţanga tlai dâr 5:00 inkâr chhûngin.

6. COPYRIGHT: Short Film copyright hi CKṬP leh MSACS-in an nei ang a, tûl an tih angin an theh darh thei ang.

7. RESULT PUAN LEH LÂWMMAN SEM: November 2021-ah result puana lâwmmam sem a ni ang a. Programme kimchang chu la inhriattîr leh a ni ang.